



## **Universitätsbibliothek Paderborn**

### **Exemplorvm Libri Tres**

Liber Secvndvs, Siue Exempla, In Septem Capitalivm Vitiorvm  
Detestationem, Per Qvadragesimam, Anno M. DC. XLVI. narrata

**Stengel, Georg**

**Ingolstadii, 1650**

§. 10. Superbiæ apex contemptus Dei.

[urn:nbn:de:hbz:466:1-48186](#)

in Calecut relegantur. Immò non est opus tanta offensione, puer intus & in cute nequam, ob supinam in scholis negligentiam, ob assidua mendacia, ob caninam impudentiam leui brachio cæditur; & cæsus, iniuriam, tota vita, nequit obliuisci; vbiunque potest, de fama totius religionis detrahit, impedítque omnes eius conatus in salutem animarū excogitatos; neq; veretur medicos suos eius ipsius pestis infamia inficere, qua eum conati sunt liberare; similis Valeriano, qui Ireneum & Abundium martyres in cloacam detrusit, quod S. Concordiæ corpus inde extaxissent. Sed de hac Alfonsi & imitatorum eius superbia satis.

Aliam audite, & perpendite, an non superbia, ab amore sui, usque ad contemtum Dei ascendat? Charem Plutarchus refert, fuisse quendam, qui in bello Cyrum vulnerauerit, succisâ poplitis venâ. Hic tanta illati vulneris arrogantia exultauit, vt insaniâ corriperetur. Insaniunt hoc pacto multi arrogantes. Sed non est hic summus superbiæ gradus. Habet insania fastigium altius. Non est maius peccatum, quam apostatare à Deo, ait S. Augustinus, quod est initium superbiae hominis. Et verè iste immaculatus est, qui etiam hoc delicto caret, quia hoc est ultimum redenntibus ad Deum, quod recedentibus primum fuit. Mæandro fluvio, vt in fabulis est, duo fuere filii, quorum Babys solitus est, vnica tibia canere, Marsyas duabus, Phrygio more. Cum autem suum vterque chorum haberet, & Babys inscitem tractaret tibiam, frater eò insolentiæ elatus est, vt Apolinem quoque præse contemneret, à quo proinde fuit excoriatus. Alfonsus cum alijs litteris, tum etiam in primis Astronomicis deletabatur, in quibus adeò profecerat, vt Astrologus appellaretur; cuius nomine ac scientia tabula Alfonsina & aliæ Astrologicæ collectæ circumferuntur. Meminisse igitur debuisset illud: Non glorietur sapiens in sapientia sua. Sed gloriæ cupiditas præualuit. Nullæ scientiæ sunt Mathematicis evidentiores: nullæ, nisi intra terminos suos maneant, periculosiores. Hinc, et si Apostolus dicat, vniuersim, 1. Cor. 8.1. scientia inflat; nulla tamen huic vitio magis est obiecta, quam quæ, quia ortus atque obitus siderum, solis lunæque defectus certò potest prædicere, tandem etiam curiosorum vitio mortalium labitur in vaticinandi ac de liberis hominum negotijs futura enunciandi temeritatem. At Alfonsus, tanquam Hyperidæ discipulus, in astris

non.

X.  
SUPERBIA  
APEX CON-  
TEMPTVS DEI

S. Augustin,  
in Psal. 19.

Ouid lib. 6.  
Metam. fab. 3

Terem. 9.23.  
1. Cor. 1.31.

Theocrit. in Thalia. non manſit, sed vt in prouerbio est, Oromedontis iugum adnitens superare, supra ipsa etiā astra se efferens illum imitatus est, qui sic vt gemmatus pauo per campos, aut quemadmodum Sybaritæ per plateas, & prorsus Iunonium ingrediens dixit: *In calum conſcendam, ſuper aſtra Dei exaltabo ſolum meum, ſedebo in monte teſtamenii, in latribus Aquilonis. Ascendum ſuper altitudine nubium, ſimilis ero Altissimo.* An non hoc est, *Maiores pennas nido extendiſſe?* Fecerunt & homines iſtud. Nam Caius princeps ſe ipsum inter Diuos retulit, & *Iouis maximi* nomine ſtatua erigi ſibi imperauit. Sapor rex Persarum, teste Herodoto, vocauit ſe regem regum, participem ſiderum fraarem ſolis & lune. Salmoneus tonitrua mentitus est, vt diuinitatis opinionem ſibi vendicaret. *Primus*, inquit Eusebius, *Domitianus Dominum ſe, & Deum appellari inſit.* Nunc & furores propemodum Domini eſſe volunt; magnates etiam propemodum cupiunt pro dijs haberi. Menecrates quoque medicus, quos fanauerat, iubebat ſibi *Iouis* nomen dare. Sic mortales ſe Deo immortali æquauerunt. An non inordinatus eſſe propriæ excellentiæ amor, velle ita excellere, vt iuxta Deum ſedeas, atque Deo ipſi ſimilis videaris? Potestne superbia eſſe maior, detestabilior, & magis à natura abhorrens? Potest. Nam ipſe etiam diabolus in superbia proficit. Olim voluit eſſe ſimilis Altissimo; iam etiam ſuper ipſum vult Altissimum ascendere, & Altissimo altior eſſe: immo ſibi Altissimum ſubijcere, & eò adigere, vt ante tam ſuperbum ſpiritum ſupplex proſternatur; ait enim: *Hac omnia tibi dabo, ſi cadens adoraueris me.* In hunc apicem emergit superbia: vt creatura à Creatore velit adorari. Diabolica haec eſſe superbia, inquies. Planè diabolica, ſed etiam haec eſſe in homines deriuata, nec tantum in Antichristo inuenienda, ſed etiam in Alfonſo rege inuenta. Neque enim tantum, more ceterorum arrogantium, qui ſe ſimulant ditiores, doctiores, & fortiores, quam ſint, & ea ſe facturos promittunt, quæ praſtare nequeunt, ſed longè ſupra hos ſuperbiebat. Ut enim Menecratem quædam curationes, quæ illi feliciter cefſerant, adeò ſuperbum fecerant, vt ſe *Iouem* & vocari ſideret, & ſe ipſum vocaret: ita Alfonſum fastus ſupra ipſum Deum extulit. *Hic Alfonſus*, ait author, *diuina opera, qua perfectiſima ſunt, & cum ſumma ſapientia, pondere, numero, & mensura creata, induſcare & emendare conatus eſt.* ore enim blas-

2. Thessal. 2.

4. Roderic.

Sant. p. 4. c. 5.

blasphemо dicebat palam. Si à principio creationis humanae Dei altissimi consilio interfuisset, nonnulla melius ordinatusq; condita fuisse. O vana, ô funesta, ô superba atque inutilia verba! Non sic David sentiebat dicens: Mirabilia opera tua, Domine, & quis cognoscet nimis? Et iterum: Quam magnifica sunt opera tua, Domine? omnia in sapientia fecisti. Et sapiens: Omnia opera Dei bona, nec est qui addat. Nam & Redemptoris testimonio, ipse Salomon cum tota sapientia sua, qui cuncta ab hyssopo usque ad cedrum perscrutatus est, minimum Dei opus, nec intelligere, & multò minus iudicare est ansus, inquiens, cum me verterem, ad cogitandum opera Dei, vidi esse afflictionem spiritus, & vanitatem, cum non posset homo illa explicare sermone.

Ingens igitur, monstrosa, & prorsus diabolica fuit Alfonsi superbia; Deo execrabilis, iuxta illud: Arrogantiam & superbiam, ego detestor: & hominibus despabilis: cum omnis arrogantia odiosa est, ait Cicero, tam illa ingenij atque eloquentiae multò molestissima. Quām vtinam, sicut omnes ex animo, nunc his auditis detestamur, ita etiam non imitaremur! Profectò hoc sic est, ut puto, ait Comicus, omnibus nobis, ut res dant se, ita magni atque humiles sumus. Nec docti tantum superbiunt, sed illi quoque, qui ne tria quidem Steschori nōrunt, non supra ingenium modò, sed supra naturam quoque sapere se arbitrantur. Sunt, & sunt profectò non pauci, atque vtinam non etiam de præsentibus nonnulli essent, qui Momum agunt, ac supra ipsum se se Deum (quod de Antichristo prædictum Paulus) efferunt, & se ipsā, diuinā, increatā, immensā sapientiā estimant esse sapientiores, Deique opera censem̄ se facturos fuisse, meliora. Itaque illa sacrilego iudicio temerare, & stultissima mente quasi emendare conantur, ad modum Alfonsi, qui fortè si interrogatus fuisse, in quo emendare voluisset opera Dei, nihil aliud dixisset, quām quod hanc stellam in Austrum, illam transposuisset in Aquilonem. At multi longè censem̄ grauiora, & plura, homines verè Bombylij, & Ardeliones. Quoties enim audimus dicentes: Quare Deus homines condidit, si aliquos voluit damnare? Quare Euam permisit tentari? Quare diabolum non coērcet, ne tot mala mundo inducat? Melius fuisse, si homo peccare non potuisset: si omnia fausta & laeta, & nihil triste fuisse. Ego, si Deus essem, Infernum extinguherem: Confessiones tollerem; Non permetterem, ut homines ieunii & alijs corporis

XI.  
HOMINVM SY-  
PRA DEVVM SE  
NE EFFEREN-  
TIVM SUPER-  
BIA,  
Prou. 8.13.

z. Thessal. 1.4  
z. Cor. 10.5.